



## Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

De Theoderico Episcopo Liuoniae, qui sanctam Maria[m] Magdalenam  
viduis, & sanctam Margaretam virginibus assistere vidit, cum eas velaret,  
cap. 80.

**urn:nbn:de:hbz:466:1-13177**

## CAPVT LXXX.

**V**enerabilis Theodericus Episcopus de Liuo-  
nia, cuius suprà memini, cùm tempore quodā  
sanctimoniales consecraret, sanctam Mariam  
Magdalenam viduis astare vñus monachorum vidi;  
beatam verò Margaretam virginibus: inter stantes  
deambulabant, vocatas præsentabant, coronas & ve-  
lamina componebant. Erat enim tali visione dignus,  
vtpote vir bonus & religiosus.

## CAPVT LXXXI.

**I**N Vilario, domo ordinis nostri, & diœcesis Leo-  
dienſis, monachus quidam est Arnoldus nomine,  
vitæ laudabilis, & magnum habens zelum circa  
ordinis disciplinam; hic cùm ex nimia abstineatia in-  
tantum stomachum suum infrigidasset, vt vix aliquos  
cibos reciperet, imò recepta mox ejiceret, tempo-  
re quodam ad tantum deuenerat defectum, vt lecto  
decumbens, mortem minaretur. Cui beata Maria  
Magdalena nocte apparens, visibiliter pectore disco-  
perito, contra locum stomachi manum misit, ac de-  
linquit; qui ex sacræ manus attractu adeò confortatus  
est, vt manè surgēs sanus, non absque magna fratrū  
admiratione, chorū intraret.

## CAPVT LXXXII.

**R**ecordor nunc dominæ Gertrudis Abbatissæ  
de Houene, quæ satis mirabiliter per visio-  
nem cuiusdam sacræ virginis, sicut ipsa  
mihi retulit, sanata est. Hæc cùm penè per dimi-  
diū annum vehementi dolore oculorum cruciare-  
tur, sanctam Luthildem Virginem, cuius memo-  
ria in eodem cœnobio celebris est, studuit inuo-  
care, meritis eius sperans adiuuari. Quodam manè in  
lecto suo penè cœca jacens & vigilans, iam dictam  
virginem in ueste candida coram se stare conspexit;  
cuius oculos cùm tam ueste, quam manu terisset,  
continuò clarè vidit, & omnis dolor illa recedente  
cessit.

## CAPVT

al. Lin:  
thildem.